

Saqqummiussineq: Meeqqat imminneq timiminnut oqartussaanerat pillugu titartakkatut filmiliaq nutaaq.

Naalakkersuisut kinguaassiuutigiut atornerluisarnerit akiorniarlugit periusissiaat *Killiliisa* anguniarumallugu taamallu Kalaallit Nunaat toqqissisimaffiulluni kinguaassiuutitigut atornerluisoqarfiunngitsoq pilrsikkumallugu, Kalaallit Nunaanni Meeqqat Ikiortigit Pitsaaliuinermut Isumaginninnermullu Aqutsisoqarfillu kinguaassiuutitigut atornerluisarnernut atatillugu paasuminartunik akeqanngitsunillu atortussanik pilersitsiniarlutik isumaqatigiissuteqarnikuupput.

Taamaattumik maanna saqqummiunneqarpoq "explainer"-imik taasaq (paasititsiniut): "Uangaana timiga". Taannalu tunngaveqarpoq minutcialunnguakkuutaartunik takissusilinnik filmiliaaqqanik. Taakku paassisutissanik erseqqissunik paasuminartunillu oqariartuuteqarfipput. Siunertarineqarporlu taakku aqqutigalugit meeqqat paasinninnerulernissaat, imminneq timertik namminneq oqartussaaffigigamikku.

"Uangaana Timiga" atortussiallu allat atorlugit qaammarsaanerit, paquminartuliorunnaarnissaq oqaloqatigiinnerulernissarlu anguniarneqarput taamallu meeqqanut, inersimasunut, ilinniarsimasutut suliaqartunut innuttaasunullu siammasissumik ilitsersuutigineqarluni kinguaassiuutitigut atornerluinernik ilisimasaqarnermi qisuarialeqarluni iliuuseqartarnissaq. Meeqqat Ikiortigit Aqutsisoqarfillu taaneqartoq neriuuteqarput, meeqqat imminneq timiminnut oqartussasuunerat ilinniartitsisut, perorsaasut ilaqtariillu akornanni oqallissutaalersin-naassasoq paasineqarluni qanoq unissaasoqarsinnaasoq allalu allat killigisaannik ataqqinnitto-qarnerulersinnaanissaq.

"Uagut inersimasuuusugut suna tamaat atorlugu meeqqagut illersorniassavagut, meeqqanut kinguaassiuutitigut atornerluisarneq unitsikkumallugu. Meeqqatta atorfissaqartippaat uagut inersimasuuusugut akisussaaffimmik tigusinissarput iliuuseqarnissarpullu. Taamaattumik explaineri ineriartortinnikuuarput inersimasut meeqqanik kinguaassiuutitigut atornerluisarneq pillugu oqaloqatiginissinnaanerat ajornannginnerulersikkumallugu paasitillugit timertik namminneq oqartussaaffigimmassuk", taamatut oqarpoq Meeqqat Ikiortigit siulittaasuat Jonna Ketwa.

Atortussatut sanaat tamarmik akeqanngillat Red Barnet Grønlandillu nittartagaa aqqutigalugu pissarsiarineqarsinnaallutik. Taamatullu iliornikkut malinneqarpoq Meeqqat Pillugit lsumaqtigiisummi § 34, tassanimi naqissuserneqqarluni allanneqarpoq, meeqqat kinguaassiuutitigut atornerlunneqarsinnaanermut illorsorneqassasut.